

LA PRISE

no. 5

E T

TRANSPORT

DES BLEDS;

Et autres prouisions des Habitan-
tans de la Rochelle.

Par Monsieur le Duc d'ESPERNON

Ensemble l'empeschement des eaux douces
en ladite ville, & l'incommodité qu'elles
apportent aux Habitans.

Les preparatifs des Vendanges.

Les deffaiçtes qui se sont faiçtes és lieux
circonuoilins.

*Et generallyment tout ce qui s'est passé à
ce subiect iusques à present.*




A P A R I S.

Chez ISAAC MESNIER, rue S. Iacques.

M. D C. X X I.

A V E C P E R M I S S I O N.





L'ORDRE TENV

*par Monsieur le Duc d'Esper-
non, à la prise & transport des
bledz, & autres provisions des
habitans de la Rochelle.*



MONSIEVR
le Duc d'Es-
pernon, pour
tant plus cha-
stier rigoureux-
sement les ha-

bitans de la Rochelle, & leur
faire sentir les fallaires, qui
sont tres-iustement deuz à
leur des-obeissance & rebel-
lion contre l'autorité du
Roy.

4

Après leur auoir bouché tous les passages & aduenues de ladicte ville, de telle sorte qu'il ne leur est pas possible de faire aucune sortie sans estre descouverts, & rudement repoussez par les nostres & ny de receuoir aucun secours, à fait mettre le feu aux moulins qui sont proches de ladicte ville.

Non content de cela, leur à ledit Seigneur osté tous les moyens de receuoir en ladicte ville des eaux douces, faisant traualier à chercher en terre tous les tuyaux qui les conduisoient en icelle, lesquels ayant esté descouverts, ont esté rompus & brisez, & la concauité remplie de terre &

grauois.

L'origine des sources, ayant esté recognues, de prendre leurs commencement au village de la Font, distant de la dicte Rochelle d'une lieue & demie ou environ, ont à fait traualier à les destourner d'un autre costé, les conseruants pour la commodité du pays circonuoisin, & pour seruir aussi qu'en besoin en fera, estât vne des principales chose, qui est tres-necessaire à vne Armée, & vne autre chose qui apporte vne tres-grande incommodité aux ennemis.

Il ne faut pas douter que ceste incommodité d'eau douce, peut indubitablement donner bien de la peine aux

Habitans de la Rochelle, n'ayant plus maintenant que leur Cisterne, (non generale par tout la ville) en lesquelles sont reserrée les eaux qui tombent de l'air sur leurs maisons, par le moyen des goustieres & chenaux, que pour ce seul sujet ils font dresser.

Sur ceste necessité, il s'est présenté quelques ingenieurs lesquels ont fait offre au Maire & au Conseil de ladicte ville, de les fournir tant qu'ils voudront d'eau, aussi bonne & agreable à boire que celle des fontaines, moyennant vne somme d'argent qu'ils demandent, estant interrogez par quel moyen ils le pourroient faire, ont déclaré

qu'ils auoyent particuliere-
ment vn certain secret, par la
vertu duquel ils promettoyēt
rendre de l'eau de la Mer de-
fallée, & fort douce à boire.
Ceste offre a esté acceptée par
les chefs de ladiète ville: Mais
iusqu'à present ses ingenieurs
(voire Charlatans) n'ont fait
parroistre aucun effect de leur
entreprise, pour toutes les ar-
tifices qu'ils ont peu faire.

Le Seigneur Duc d'Esper-
non poursuiuant son entre-
prise, & de rendre les Habi-
tans de la Rochelle & autres
troupes estrangeres qui sont
enfermez en icelle aux abois,
voyant que les bleds qui es-
toient autour de ladiète ville,
commençoient à estre prests à

cueillir, pour frustrer les habitants de la cueillerte & moisson d'iceux, auroient mandé grandes quantitez de manans tant Limosins que Perigordins, pour les employer à la coupe & enleuement desdits bleds, tellement que par ce moyen sans vexer & ny trauailler, les Paysans des Bourgades & villages circonuoisins, en moins d'un mois tous lesdits bleds qui estoient à l'entour de la dite ville, ont esté coupez & transportez à la barbe desdits Rochellois, sans qu'aucun d'entr'eux ayent esté si osez de faire aucunes sorties, & aussi qu'ils pouuoient assez cognoistre que ce ne leur eust esté qu'une pure folie & temerité,

veu

veu les puissantes troupes qui
iournellement battoient la
campagne à l'entour de ladite
ville, pendant ladicte cueillete
& transport desdits bleds.

Ladicte moisson & cueille-
te des bleds, estant paracheuée
on les a serrez en des lieux d'as-
seurance: comme à Marcilly,
Enandé, Coups de Vache,
Noüaillé, Surgere, & autres
lieux, mesme en lesquels en-
droicts ledit Seigneur Duc a
faict bastir des Forts, & à mis
des garnisons, pour tenir
les passages en brides, & em-
pescher les forties des trou-
pes rebelles.

Ne voulant Monsieur le Duc
d'Espernon, frustrer les pau-
ures payfans de ce qu'ils pou-

uoient pretendre à la cueillete
 & moisson desdits bleds, il a
 (par sa grande prudence) telle-
 ment donné ordre, que cha-
 cun cartier & Parroisse ont
 leur rende-vous destiné pour
 aller receuoir du blé toutes les
 semaines selon la quâtité des
 personnes qu'ils verifient a-
 uoir en leurs maisons; & de-
 fense leur sont faictes de ne
 transporter de cesdicts bleds,
 qui leurs sont ainsi deliurez
 pour leurs nourritures, en la
 Ville de la Rochelle, & ny
 fentendre avec aucuns habi-
 tans d'icelle sous quelque pre-
 texte, & ny maniere que se
 soit, sur peine de la vie & con-
 fiscation de leurs biens.

Continuant le menage cham-

pestre, l'on traueille aux preparatifs pour les vandanges, & faire la cucillette des vins en tous les endroiçts que peuvent pretendre les Habitans de la Rochelle, sçauoir ceux qui sont pour le present, resident en ladicte ville, & qui sont complice de la rebellion, faisant particulièrement conseruer toutes les Metayries & autres lieux qui appartiennent à ceux qui sont sortis hors d'icelle, ne voulant participer à leurs crimes, s'estans retirez à se sujet en des villes qui sont à l'obeyssance du Roy.

Pour cet effect est employé iournellement plus de cinq cens ouuriers à faire quantité de Pipes & Bussarts, tant à Ma-

ran, Luçon, que Fontenay la battu, pour autant que l'on espere vne grande année de vins, les vignes estans plus belles qu'elles ayent esté depuis trente ans en çà, & aussi qu'il y a de tres-grands vignobles en tous ces cartiers là.

La prouision des foings ne leur a esté non plus fauorable que le reste, encore que les prez soient assez proches de la dicte ville, ayant esté gardez iournellement par escoüade, & ne desirant faire de regain, ont a laissé croistre l'herbe insqu'à present qu'elle est fauchée & transportée és lieux cy dessus.

Pendant lequel transport, quelques deux cens Caualliers

estrangeurs cōduits par le sieur de Geruille, se voulant opposer à iceluy, & l'empescher à leur possible, sortirent de la-dicte ville armez de pied en cap : & comme ils vouloient faire rebroucher chemin à ceux qui les transportoient, & mesmes en ayant frappez & outragez quelques vns, ils furent ineontinent attaquez par les nostres, lesquels leur taillerent si viuement des croupieres, qu'ils furent contraincts de retourner plustost en la-dicte ville qu'ils n'en estoient fortis, non en si grand nombre qu'ils estoient venus, en ayant demeuré sur la place trente sept, & vne Cornette prise, & bien dix-neuf de ble-

cez, qui ont esté menez prisonniers à Maran, desquels quelques vns de nos Soldats ont eu pour butin de tresbelles piéces de Cheuaux & armes.

Pareille punition cy dessus leur fust faicte, l'An mil cinq cens septante, par le commandement du Roy Charles neufiesme: Lequel enuoya pour les chastier de la rebellion par eux faicte au commandement de sa Majesté. Le Baron de la Garde General de Galleres Royalles, & Admiral en Levant: avec lequel estoit le sieur de Landereau Vice-Admiral en Poictou, lesquels se retirèrent pour empescher les passages de la Mer aux sables d'Ollonne, qui est vn haure fort.

renommé en Poictou, posé
entre le pays de Tallemont, &
de Bretagne, donnant par ce
moyen bien de la peine aux
Rochellois, qui ne pouuoient
comme auparauant aller sur
la Mer, encore moins sur la
Terre, ayant le Comte du
Lude, & les Seigneurs de la
Riuere Puitaille, & Pui-Gal-
lart en teste.

De sorte que pour lors, les
viures estoyent si courts à la
Rochelle, & que si l'on eust
continué ceste maniere vn
mois durant, ou que le Roy
y eust enuoyé vne simple Ar-
mée, deslors ceste ville eust
esté emportée par famine, &
les Habitans rendus aux ab-
bois, & ne feroient de present

si effrontez & temeraires,
comme ils sont contre l'au-
thorité du Roy.

F I N.